

ma nostra vitam æternam consequitur, quæ vere A pus et sanguinem concedatur in perenni sæculo.  
nobis a Domino nostro Jesu Christo per ejus cor. Amen.

## GUITMUNDI EPISTOLA

### AD ERFASTUM.

(GALLAND., *Veterum Patrum Bibliotheca*, XIV, 240.)

#### MONITUM.

Cum adhuc presbyter esset Guitmundus, interrogatus fuit a fratre quodam Erfasto de substantia et unitate SS. Trinitatis, de mysterio Dominici corporis, item de similitudinibus quibus uti solent, puta sphæræ ad comprobandam Trinitatis unitatem. His postulatis respondet ut catum sobriumque theologum decet. Mutila ad nos pervenit epistola, quam ex Spicilegio Dacheriano recudendam sumus mutuati.

Ad amantissimum fratrem ERFASTUM frater GUITMUNDUS, indignus presbyter, sine fine gloriari in Christo Jesu Domino nostro.

I. Perfecta fraternitatis tuæ epistola, ex ipsa inquisitionum tuarum ratione perpendi correptum Dei timore, ad sapientiam spiritualium rerum ac scientiam te, unde gratior, non inutiliter exerceri. Quod enim de substantia atque unitate æternæ Trinitatis quæsiisti, sapientiæ est. Quod autem de mysterio Dominici corporis adjecisti, ad scientiam spectat. Item illud quod ad comprobandam Trinitatis unitatem, similitudinem rei temporalis, de sphæra videlicet sois memorasti, scientiæ nihilominus est. Commoda plane pulcherrimaque, et jucundissima philosophia, si ei perseveras. Hæc namque non terrena nec humana, sed vere cœlestis est et divina : hæc laboranti suavis refectione est, post laborem perfecta beatitudo est, quam bene facis studiose quærendo, quæ et aperietur indefesse pulsando. Gaudens igitur ergo exercitio et profectui tuo, quæ aliquando si voluerit Dominus in longiorrem disputationem de his conferre cogito, ne quæstiones tuas differam, quanta valeo brevitate succincte respondeo.

II. In illa itaque sphæræ solaris collatione, de qua tibi primum responderi flagitasti, diligenter observa ad hoc illam valere, ut sicut sphæra, splendor, et calor, non tres, sed unum proferunt solem, ita in Patre, et Sapientia, et Amore utriusque non tres Deos, sed unicam sentias deitatem. Et sicut sol quem mittit splendorem sibi habet omnino coæcum, ita Deus Pater sibi prorsus habet quem de se generat Filium coæternum. Illud sane volo sollicite attendas, longissime aliter utriusque atque in sole est, illam ipsam summæ divinitatis consistere unitatem. In sole quippe et fulgor et calor, qualitates sunt, sol vero ipse substantia est, atque idcirco non idipsum est sol, quod illa duo reliqua sunt. Sed et ipsæ qualitates substantialiter ab invicem differunt, quin et diversa facientes. Nam lucidum splendor,

B calor autem calidum facit operandi virtute, locis etiam et temporibus subjectisque plerumque discretae sunt. Sæpe enim sole oriente, solis fulgor cernitur, ubi ejus omnino nullus calor sentitur : et meridiano tempore calor ejus multa solidâ corpora penetrat, in quæ nihil prorsus luminis intrat. Nec eisdem quoque sensibus a nobis excipiuntur. Nam splendor visu, tactu calor admittitur, ita ut etiam per contrarium, et pergrandi quis frigore torpens, magnum a longe lumen solis videat : et tenebras cœcus patiens, calore ejus interdum valido contabescat vel hilarescat.

III. Longe igitur et ista duo invicem differunt. Non autem Deo cum sapientia sua, et amore suo, tam parva, vel tam discrepans, ut ita dicam, est C unitas : nec sapientia et amor Dei ipsius divinæ substantiæ qualitates sunt. Neque item ista duo tantisper ab invicem differunt. Illa quippe unus sol quodammodo dicuntur, quia in sole uno coæva illi, et inseparabilia sunt : non autem idipsum quod sunt per se singula, ad invicem unum sunt ; quoniam, ut prædictum est, substantialiter ab invicem omnia differunt. At Pater, et Verbum, et Spiritus, sive Pater et Sapientia et Amor, ita in uno Deo, vel ita unus Deus sunt, ut unum ad invicem sine ulla distantia sit, quidquid per se singula essentialiter sunt. De Pater et Filio sic habes in Evangelio Dominum nostrum dicentem : *Ego sum in Patre, et Pater in me.* Et : *Qui videt me, videt et Patrem.* Et : *Ego et Pater unus sumus.* Non enim Pater habet

D ex alio Filium quam ex se. Neque enim ante omnem creaturam aliud quidquam erat. Omnia autem quæ facta sunt, sicut scriptum est, per ipsum Filium facta sunt ; si igitur omnia facta, per ipsum facta sunt, neque ipse factus est, neque ex alia re, cum nihil aliud esset ; sed de se Pater ante omnia genuit ipsum. Si autem ex substantia Patris natus est Filius, quoniam in substantia illa nulla pars est (nam primum principium incompositum est, nec componi omnino novit, qui omnia ipse composuit), item nec

in Filio pars est, nihil enim ejus nisi ex Patre, et in Patre est; ex Patris porro (11) unitate prorsus individua et nunquam geminata, partium pluralitatem habere non potest. Ex toto igitur totus, nec major in aliquo, nec minor, idem de eodem in essentia natus est. Si enim partem non habet, cum ex illo et in illo et jam individuo sit, nullatenus differt. Nam si de illo est, aliquid ejus in se habet, vel potius aliquid si ejus ipse est. Porro si aliquid ejus parte carentis habet vel est, totum illum in se potius habet, vel magis, totum quod est ille, ipse est. Si vero sic illam ipsam Patris essentiam in se totam habet, immota illa essentia ipse est, cum et ipsius simplicitas individua partem nesciens, additamentum recuset: in nullo prorsus essentialiter differt. Idem igitur omnino ad essentiam quidquid est Pater, B et Filius est.

IV. Eadem tibi ratione de sancto quoque Spiritu satisfiat. Qui enim sine parte de individua est substantia Patris, una et eadem cum Patre substantia est; et qui parte carens de individua est substantia Filii, una et eadem cum Filio substantia est. Et cum a Patre simul procedat et Filio, non duæ sunt processiones, sed una processio, nec duo sunt Spiritus sancti, sed unus Spiritus sanctus. Quia cum nec loco divisa, nec tempore, una sit prorsus et eadem Patris et Filii substantia, Spiritus sanctus simul ab utroque procedens, eodem ipso quod ab uno procedit, simul idem procedit ab altero. Illoc in Evangelio Dominum docentem attendo, ubi ait: *Cum venerit Paracletus quem ego mittam vobis a Patre. Ego mittam a Patre dixit; ac si diceret: Una est ejus processio a me et Patre. Et paulo post: Ille me, inquit, clarificabit, quia de meo accipiet, et annuntiabit vobis. Omnia quecumque habet Pater, mea sunt; propterea dixi quia de meo accipiet, et annuntiabit vobis.* Id est substantia quam habet Pater, et mea una est; propterea qui ex nobis est Spiritus sanctus, cum de Patre est, de me est. Est igitur Spiritus sanctus una eademque substantia cum Patre et Filio; est unus utriusque, unaque ejusdem ab utroque processio. Quapropter tria haec ita in uno Deo, vel ita unus Deus sunt, ut unum ad invicem sine ulla distantia sit, quidquid per se singula essentialiter sunt.

V. Proinde quod sapientia vel virtus Patris dicitur Filius, quoniam sapere vel posse essentiale illi est, non qualitas creditur Patris, qua Pater qualis, sapiens videlicet dicitur et fortis, sed est perfecta sapientia sua et virtus sua, singulus, ut ita dixerim Pater; perfecta sapientia et virtus, singulus Filius; perfecta sapientia et virtus, singulus Spiritus sanctus: et simul non tres sapientiae, aut virtutes, sed una sapientia, et una virtus: estque Filius sapientia de sapientia Patre, virtus de virtute Patre: sicut essentia de essentia, vita de vita, Deus de Deo,

A lumen de lumine. Sed quia per Filium infirmatum in carne et stultitiam crucis ejus nos infirmi, et stulti, fortes et sapientia facti sumus; et sic factus est nobis ipse a Deo sapientia, et virtus et justitia, ut per ipsius infirmitatem et mortem justificati et corroborati, ad cognoscendum per ipsum quandoque Patrem convalescamus; ideo enim juste quasi specialiter Dei justitiam, atque virtutem et sapientiam constemur.

VI. Item Spiritus sanctus cum Patris et Filii dicuntur charitas, vel amor, aut voluntas, non idcirco amborum qualitas creditur, cuius gratia utrique quales, amantes videlicet sint, aut volentes, aut certe spirituales, sed cum sint etiam singuli spiritus sanctus (nam et Pater est spiritus, sicut scriptum est: *Deus est spiritus*: et Filius secundum divinitatem spiritus), et Pater sanctus, et Filius sanctus, et non tres Spiritus sancti, sed unus Spiritus sanctus. Et cum singuli sint charitas, quia *Deus charitas est*, et singuli amor aut voluntas, nec tamen tres charitates, vel amores, vel voluntates, sed una charitas, unus amor, una voluntas. Illum tamen qui ex Patre procedit et Filio, quasi proprie Spiritum sanctum, vel charitatem, vel amorem, vel voluntatem Patris et Filii dicimus; ut per hoc quod velut suum habet in nomine, quod commune est iis ex quibus est id designetur aliquatenus, quia ipse ab utroque existens, communis est, consubstantialis, et nexus amborum.

VII. Ita cum et Pater essentia et principium sit, C et Filius æque essentia et principium sit, Spiritus quoque sanctus nihilominus essentia et principium sit, nec tres essentiæ, aut tria principia, sed una essentia et unum principium; de Patre tamen haec quasi proprie dicimus, ut per hoc noverimus quia ipse ita est, ut sit ex se: et sic principium est, ut non ex alio sit principio, tantum ex se, cæteræ vero personæ ex ipso. Nam Filius quidquid omnino est, non ex se, sed ex Patre; item Spiritus sanctus non ex se, sed quidquid omnino est, ex Patre Filioque est. Sed [et] ut ex Filio procedat Spiritus, a Patre hoc habet Filius. Nam si quidquid habet, ex Patre illi est; et id ex Patre nascendo, habet a Patre, ut ex ipso sit Spiritus. Spiritus quoque sanctus procedendo a Patre, ab ipso habet ut ex ipso D ita sit, ut simul etiam existat ex Filio. Ita igitur sunt singula omnium, et omnia singulorum, et omnia unum; certo tamen, ut dixi, rationis mysterio, quædam quasi proprie de Patre dicuntur, ut essentiale principium; quædam de Filio, ut justitia, virtus, sapientia; quædam de Spiritu sancto, velut hoc quod Spiritus sanctus dicitur, quod amor vel charitas, vel voluntas Patris et Filii nuncupatur: quatenus per hoc, sicut dictum est, non ex alio, sed ex se esse Patrem; per Filium vero nos justificatos, fortes doctosque esse ac futuros esse; et Patre

(11) *Ex Patris porro.* Ediderat Achérinus: *nulla pars est: nam primus pr. inc. est: nec . . . .*

*ipse composuit. Item nec . . . . et in Patre est ex Patris. Porro unitate, etc.*

autem et Filio Spiritum sanctum communiter procedere intelligamus.

**VIII.** Sicut igitur in essentia majestatis idem sunt, cum nec loci aut temporis interstitio se jungantur, nec tres numero potentiae, sed una potentia; ut unus operator sint (12), ita et in operationis effectum differunt, quia Dominus noster dixit: *Quæcunque enim Pater facit, hæc et Filius similiter facit*, et non alia quia non potest Filius a se facere quidquam, nisi quod viderit Patrem facientem. Idem consequenter de Spiritu utriusque sentiendum est. Nam etsi hominem solus Filius induit, ipsum tamen hominem atque incarnationis mysterium tota Trinitas fecit, tota eum Trinitas ad mortem dedit, tota eum Trinitas resuscitavit, tota exaltavit. Ita quoque et vocem illam, per quam et solus Pater ad Filium loquens innotuit: *Tu es, inquiens, Filius meus dilectus*; et columbam illam, vel linguas igneas, in quibus vel super Dominum baptizatum, vel super dies Pentecostes Spiritus sanctus apparuit, tota utique Trinitas fecit. Quemadmodum et illa vox disyllaba, quæ et Pater dicitur; et vox trissyllaba, quæ dicitur Filius: et duo nomina quæ Spiritus sanctus appellantur, et similiter aliæ voces quamplures, licet proprietatem singularum seorsum denotent et auditui præferant personarum, non tamen aliter quam illa dissyllaba vox quæ dicitur Deus, tota pariter significans Trinitatem, totius certe sunt opera Trinitatis. Quapropter etsi ex creaturis aliquæ ad declarationem singulorum propriæ mystriæ pertincat personarum, palam tamen est quoniam Pater, et Filius, et Spiritus sanctus sicut nec in substantia, ita nec in aliquo prorsus cujusque rei operatione dissentiant. Palam etiam et hoc est quia et Patrem, et Filium, et Spiritum sanctum non variis corporis sensibus, sed una eademque puræ mentis intelligentia et simul contemplamur, sicut a Veritate ipsa didicimus, quæ ait: *Qui me videt, videt et Patrem*.

**IX.** Ut igitur ex his dicendi finem breviter faciamus, quoniam cæ quæ in sole qualitates sunt, et ab ipso et ab invicem substantialiter differunt, operandi quoque virtute et secundum locum, et secundum tempus, diversaque subjecta dissentiant, variisque sensibus haustæ, longe distare comprobantur. Cumque Patris et Sapientiae et Amoris una sit prorsus eademque substantia; cumque in eis nulla nona dico diversa, sed ne ulla etiam qualitas, nihilque omnino aliud nisi una pura essentia debeat cogitari, cum eadem sint eorum semper, et ubique, et in omnibus opera, unaque simul et eadem mentis intelligentia et inseparabiliter videantur, manifestissimæ rationis indicio satis liquet longissime aliter veriusque non solum quam in sole est, sed quam in ulla etiam creatura esse possit, illam summæ atque individuæ Trinitatis consistere unitatem.

X. Sane cum dixissem supra quidquid essentiali-

A ter singuli sunt, communiter dici de omnibus, idcirco essentialiter dixi, quia quod Pater aut Genitor dicitur, item quod Filius aut Verbum, vel imago nominatur; vel quod Spiritus sanctus procedens appellatur, non secundum se intelligendæ essentiæ, sed distinctionis vel relationis personarum vocabula sunt. Caventes etenim confundere personas, Patrem quod non ex alio sit demonstrantes, vocamus ingenitum; et quod non sine Filio sit, vocamus et Patrem. Item Patris illa et ineffabilis visio, in qua seipsum Pater intuetur et omnia, splendor ille, illa lux, quia non ex se, sed ex solo Patre est, dicitur Filius. Et quoniam nos, ut per speculum et imaginem suam (honio enim noster interior licet obscuret, tamen Dei imago est, Deum cernere B qualicunque ænigmate valeamus: quoniam, inquam, nos quamecumque rem mente videndo sive quod extra nos est, sive ipsam mentem, nobiscum quodammodo de re quam cernimus loquimur, similimamque ejus imaginem animo conformamus; ita ut cum semetipsam mens nostra intuendo, de se apud se sententiam veritatis quadam discussione parturieis, verè tandem intelligentiæ lucem de prompserit, jure idipsum veri intellectus acumen et partum mentis, quia ex se hoc ipsa peperit, et verbum quo de se ipsa disseruit, et imaginem vel similitudinem, quod ipsa de sui contemplatione informavit, liceat appellari. Simili modo, ut per ejus, ut dixi, imaginem, quod sumus nos, Deum qualicunque ænigmate videamus, et de temporalibus si au demus, imo quia ita nobis temporalibus expedit, quomodo cumque conjiciamus æternam. Simili, inquam, modo ineffabilem illius paternæ visionis lucem semper de Patre, semper apud Patrem, et in Patre manentem, semper Patrem videutem, omnium conditricem, Patris revelatricem et idem esse cum Patre, quoniam de Patre est, non de nihilo, et unigenitum, et verbum, et imaginem, similitudinemque Patris corde credimus, et prout sufficimus sentimus ad justitiam, ore autem constemur ad salutem. Spiritum vero sanctum nec ingenitum dicimus, quia non est de nullo; nec genitum, quia non est de Patre solo, sed a Patre et Filio procedentem, non tamen ab utroque nascentem, quoniam pariter eodemque modo Spiritus est amborum, cum nullus unquam duorum pariter eodemque modo possit esse filius patrum. Sed nec verbum utriusque, nec imago, nec similitudo dicitur; quia quanvis amantes aliquid sepe illud animo versandi, nobiscum dicamus et imaginemus, dicentesque et imaginantes amemus, dicere tamen et imaginare in nobis quidem visionis est proprie, non amoris. Amandum etenim quodlibet per mentis intuitum quid aut quale sit, vel quomodo se habeat, dicitur, ut, definito hoc, jam certius ametur.

**XI.** Sed quæ nostri comparatio ad æternitatem? Hoc autem propterea dico ut non carnali sensu ver-

(12) *Operator sint. Forte, ut unus operatur sunt, ita et in operationis effectu non differunt.*

borum proprietates, ut in nobis, ita omnino in A Divinitate requiras. Quippe si de verborum sensibus agas in Patris et Filii vocibus, et in cæteris relativis, cum de hominibus dicuntur, quædam ipsorum hominum, quibus ad se referuntur, accidentia: item in generandi et procedendi verbo, actum passionis cum declaratione temporis accipere solemus. Æternam porro generationem Filii Dei, Spiritus sancti processionem, sic credimus, ut neque ibi tempus, neque actum generantis, aut passionem geniti, vel procedentis Spiritus, neque ullum denique accidens divinæ inesse substantiæ sentiamus. Non igitur supra distinctionum vel relationum verba proprie Divinitati convenient, nec omnino in Deo eodem sensu quo et in nobis accipienda sunt. Absit enim ut in æterna Trinitate, uno solo Deo, propter verborum nostrorum angustias, ante omnem creaturam aliquod accidens, aut ullam omnino rem, propter (13) simplicem Divinitatem fuisse dicamus. Nulla quippe creatura quamlibet perfecta, et ad imaginem Dei facta, plenissimam, ut est, exprimere vel æquiparare similitudinem prævalet Creatoris, nedum ea quæ pene nihil sunt mortalium verba illam, quæ supra omnem creaturæ omnis cogitatum ineffabili præeminet veritate, naturam Divinitatis explicare sufficerent.

XII. Non igitur hæc de Deo idcirco dicimus, ut id plane quod ibi est explicemus, sed qualibuscunque tamen prout possumus verbis agimus, ne id quod ex verbo Salvatoris certissime credimus, et quod vix quantumlibet attenuato spiritu, Christo adjutore, per ænigmata prægustare valemus, omnimodo comprehendere silentio videamur. Cumque ineffabilia ut-cunque sari cupimus, aliquatenus per hæc verba non equidem accidentia ulla purissimæ Divinitatis, sed prout eloquii humani velut angustia, hoc quod non est Pater ex alio per hoc quod ingenitus dicitur, nec sine eo qui ex ipso est, per hoc quod Pater vocatur; et quod non sit Filius ex se, nec sit nisi a Patre per nomen Filii: eodemque modo quod Spiritus sanctus non ex se, sed ex Patre et Filio sit, per procedendi verbum, ut prædictum est, denotamus.

XIII. Procul igitur sit a filiis sanctæ et universalis Ecclesiæ ut pro distinctione personarum quælibet sibi carnalis anima alicujus rei hic ulla penitus interstitia singat. Nam si hoc in æterna Trinitate, quod absit! admitteretur, cum ante rerum omnium constitutionem semper sit in Deo hæc Trinitas personarum, falso, quod iterum absit, cunctarum rerum præter se solum unum Deum conditrix, et principium Trinitas crederetur; nec jam Trinitas jure sed quaternitas aut quintitas melius, imo vero amplius juxta numerum rerum interacentium vel

A accidentium, quod itidem absit! necessario dicetur. Quod quoniam a Christiana religione prorsus abhorrens, catholicæque est veritati summe contrarium, non ergo in omnipotenti æternaque et simplici Trinitate, salva, ut dictum est, ineffabili distinctione personarum, illius accidentis infectio, non rei omnino alicujus admistio vel interpositio, non nisi una sola, unica, sincera, et purissima Divinitas requiratur.

XIV. Quisquis sane hæc fidei processibus actus prout desuper datur, Deo jam nunc pro meritis si lei retribuente, interiori etiam quodam prædulcissimo que igneque et inexplicabili mentis attigerit gusto, jam aliquatenus ut homo Deum suum sentiens, magno cum tremore gaudeat, et cum magno gaudio B contremiscat. Ita tamen epuletur, ut non jam in eo remanendum quod invencit; sed ut sibi largius appetatur, pie semper querendo, desiderando et orando validius pulset. Scriptum est enim: *Cum consummaverit homo, tunc incipit.* Et iterum: *Quærite faciem ejus semper.* Qui autem ad hoc invalidus est, ita tamen esse non dubitet, ad quod cernendum postmodum, patienter interim sinu fidei nutritur.

XV. Porro si quis æternitatis malit violentus esse discussor, nec facile Deum aut sine numero trinum, aut in personis sine interpositione, vel administratione alicujus rei distinctum, aut sine extensione credat æternum, vel sine loco et situ totum ubique præsentem, vel omnino sine quantitate magnum, sine qualitate bonum, sine motu omnia facientem, sine passione omnia sustinentem, sine complexu omnia continentem, audiat iste quod scriptum est: C *Ne quæsieris quæ ultra te sunt;* et ea quæ facta sunt potius admiretur, respondeatque sibi qua potentia hæc omnia de nihilo prodierunt. Non enim sua, quæ nulla erat. Si ergo Dei quomodo ea quæ nihil omnino erant, Dei præcipientis ut fierent imperium persenserunt? Aut certe cum non esse et esse simul non potuerunt, quo medio de altero ad alterum transierunt? Aut si forsitan de mundi principio agere renuit, quia needum erat, de singulis quæ quotidie in promptu sunt, querat ortus, clementia, variationes, defectusque eorum, quomodo aut cur hoc vel illo potius modo eveniant, alta mente consideret.

D Quod si forte in minimis subtiliter pervestigando succumbit, cognovitque experimento veram esse sapientissimi Salomonis sententiam, dicentis: *Cunctæ res difficiles quæ in terris sunt, et quæ in prospectu sunt, invenimus cum labore; quæ in cælis sunt quis scit, nisi tu dederis sapientiam, et miseris sanctum Spiritum tuum de altissimis?* desinat gigantea protervia cœlum petere, et credendo humiliter quod . . . . .

(13) *Propter.* *Lego præter.*